

白  
雪  
樓  
詩  
集

白雪樓詩集卷二

五言古詩

錄別十二首

悠悠念往路。離別從此長。何以酬明德。携手歸故鄉。良時不須臾。且復各盈觴。仰視日月馳。千載互相望。浮雲難獨留。游子暮彷徨。綢繆踰皓首。風波忽一方。

其二

千秋一嘉遇。此別安可知。良時不努力。賤軀欲

何爲晨風野蕭條。浮雲西北馳。河梁臨往路。遠望令人悲。游子自有懷。悠悠當告誰。

其三

長思何益會久留。何益歸行人。悵明發。褰裳路徘徊。嘉期能再至。安辭渴與飢。浮雲一相失。千里常依依。我欲徃從之。送子東南飛。

其四

秋蘭懷芬芳。依依樹前庭。春華不再盛。枝葉皆已零。念昔二三子。俛仰如流星。羽翼一以垂。邈

若隔平生。徘徊顧四海。誰能喻中情。結交各有時。千載一淮纓。離別不在遠。日月從此征。長當爲路人。獨無弟與兄。尊酒可自慰。願言崇令名。

其五

垂疑起恩愛。離別生歡娛。念子非一身。中懷難久俱。握手一相失。奄忽秦與胡。新知自言樂。山海日以殊。行路方未央。出門思故廬。浮雲沒景光。北風悲有餘。褰裳復四顧。徘徊當路衢。結髮在戰場。皓首爲征夫。

其六

四海一黃鵠。千里命其儔。悲風厲胡馬。躑躅鳴  
相求。何況同袍友。從此遠行游。離別無慷慨。去  
去且復留。白日沒邊城。回首望中州。浮雲西北  
飛。河漢東南流。視夜常苦早。寒冬正悠悠。明月  
燭羅幃。嚴霜切綢繆。俛仰已自喻。誰能不懷憂。

其七

念當首徃路。千里邈已臨。絲竹發高堂。聽我雙  
龍吟。泠泠江漢流。浮雲寒以陰。長風激羽翼。嚴

霜摧北林。慷慨有餘悲。新聲愴人心。游子失相  
視。征夫淚不任。中曲一俛仰。從此無知音。故鄉  
一尊酒。願言常酌斟。徘徊戀景光。忽爲辰與參。  
來者自非昔。去者自非今。

其八

高樓耿長夜。攬衣歌且謠。秋風一何悲。游子不  
得驕。明月照空牀。羅帷自蕭蕭。三星旣隅列。河  
漢東南朝。黃鵠正徘徊。翩翩顧其曹。故鄉邈千  
里。慷慨命同袍。浮雲日西北。安知心所勞。携手

在湏臾。經時復漂搖。

其九

河漢何皎皎。衆星錯其間。攬衣立前庭。明月照  
苦顏。悲風中夜起。蕭蕭有餘寒。涕淚應聲零。四  
顧慘無歡。往路信可懷。爲樂及盛年。游子不自  
愛。故鄉豈難旋。

其十

黃鵠難爲群。游子常苦辛。念當從此別。中懷日  
以新。清光皎明月。遠望不可親。高樓正蕭條。徘徊

徬四無人。上有千里雲。其下起飈塵。各言還故鄉。握手道何因。

其十一

窮冬盛陰氣。白日西南微。征人常早寐。皎月照我扉。故鄉千餘里。中夜起懷歸。干星駕言邁。嚴霜裂裳衣。獨行無儔匹。誰知渴與飢。穹廬多悲風。蕭蕭遶草衰。身在天一隅。何得不徘徊。

其十二

顏色無常好。春華一以零。悲風蔽地來。四顧何



冥冥寤言懷。往路攬衣從此興。殺氣拳毛髮。涕泣斷爲冰。仰視河漢星。離如水中萍。景光不戀人。游子豈遑寧。夜依牛羊宿。日驅驚馬行。努力及明時。安能愛其情。

又十一首

秋風旣蕭蕭。浮雲亦依依。四顧但他鄉。游子一何微。駕言西北邁。中道正徘徊。客行無好懷。萬事不如歸。

其二

三星跂相視新月拳素光兩宮高自出雙闕遙  
相望雲霞絢河漢機杼成文章羅幃影四座華  
燭搖中堂主人前進酒彈瑟爲清商流焱激長  
夜殺氣隕嚴霜蕭蕭墮白髮翩翩曳衣裳男兒  
不懽悴誰知在他鄉

其三

北風著枯林浮雲苦多陰紅顏日就衰他鄉日  
就深別離起中夜對酒不能斟絲竹含妙伎佳  
人懷好音眄眄適君意忼慨動君心罷曲一俛

仰變爲游子吟念當事行役淚下難自禁

其四

秋風西北來蕭蕭動百草蕩子無室家悠悠在  
長道紅顏能幾時棄捐一何早對客發素書零  
涕復盈抱上言故鄉好下言故人老

其五

冉冉年欲度秋蘭采間萎蕩滌千歲情結束欲  
何爲美酒不誤入紅顏多所宜萬事自明日行  
樂此一時四座慘無言游子中心知浮雲動悠

悠故鄉難可期

其六

悲風墮白日天地何冥冥招搖彈北戶河漢條  
中庭征夫苦難夜且復命新聲方言動君子四  
座無不清人生即滿百長此千載名豈如飲美  
酒趙女奏鳴箏忼慨盡逸響慰我飢渴情惟念  
當離別翩翩渺獨征

其七

明月促曙光衆星西北移游子工早行起問夜

何其攬衣出門去長當渴與飢  
蒺藜穿我履嚴霜薄我肌  
別離矜盛年老至不自知  
努力事戰場淚下復無時

其八

浮雲滿天地蕩子欲安之  
努力事行役棄置以爲期  
少年盛意氣忼慨生別離  
茱萸無根蓬翮中林騅馬  
上不得語涕淚各纍纍  
君但重自愛遠道歸有時

其九

秋風動千里游子何翩翩早行多所懷忼慨私自憐嚴霜覆四野明星出高天涕淚一以下中道忽言旋踟躕戀徒侶不知身棄捐客從遠方來遺我繒綵牋故人俱白頭安得獨盛年

其十

昭昭秋素景明月涵金華清酒照朱顏中堂發高歌游子在外單結交常苦多別離動白頭人生復幾何悲風搖枯林嚴霜携女蘿新知雖云樂不如早還家

其十一

高樓出浮雲零露綴綺疏明月照佳人清光相  
有餘紛何下涕淚纖纖結素書願持千里心託  
此雙鯉魚尊名不可處白髮難久居豈如及盛  
年駕言歸故廬

古意七首

秋風西北起吹我游子裳浮雲從何來安知非  
故鄉蕭蕭胡馬鳴翩翩下枯桑暮色入中原飛  
蓬轉戰場往路不可懷行役自悲傷

其二

新人一何好年頗十五餘本自貴家子秦氏有  
名絲故人行采桑值我城南隅顏色各精妙手  
爪亦相如故人工紈素新人工笙竽笙竽未詎  
央紈素色已渝人生無新故夫壻自言殊

其三

嶰陰有孤竹常含千歲霜截爲雄鳴管其音中  
清商豈不在人耳世已無鳳凰新聲自一時豔  
曲亂高倡安得日相御竝坐君子堂



其四

十五漳河女出身邯鄲庭絲竹妙一世纖手何  
泠泠清商有餘悲忼慨爲新聲中曲若無人含  
意已獨明知音難再遇紅妝日夜零奮響發浮  
雲摧耳不能聽

其五

英英天上雲不照濁水泥新婚日以親賤妾日  
以攜繁聲出皓齒妙舞生春姿縞綦難爲容葉  
如秋草萎念當羽翼垂依依即路岐良人無古

歡妾自中心知

其六

中天起雙闕浮雲出兩宮  
馳道挺其間甲第羅西東  
胡姬正當壚邀客過新豐  
朱脣含綠酒纖爪扣青銅  
墮髻似無意紹繞一何工  
眴睠正愁人流紈動春風  
雙雙羽林郎翩翩五色驄  
挾瑟上高樓調絃方未終

其七

胡鷹一何勁北風一何高  
朔方士馬地斗酒命

同袍窮冬蹙四野大獵出臨洮  
盪石響深谷烈火走平臯  
邊聲中夜起殺氣常蕭蕭  
積陰生戰場白日慘不消  
草枯牛羊瘦雪盛狐鼠驕  
引領望交河層冰正迢迢

詠古十六首

帝作大唐歌八伯奏卿雲  
鐘石興麓野人聲一以論  
日月發光華爛然星具陳  
沈璧十二渚岱宗乃于裡  
是時闢四門穆穆咸所賓

其二

綏綏塗山狐九尾不自多我徃求平定念子無  
室家明發興嶽庭乃身參洪波宗疏事則哀祝  
融揚英華玉牒沐日月素書出江河

其三

江水一何沛薄大趣歸處朝周過故墟宮室生  
禾黍傷彼西山士採薇自相茹千載睹軼詩斯  
人乃高舉

其四

白雲出山陵乃在天一方東土旣已洽徂西聊

倘佯虎豹自爲群鳥雀列成行惟帝立嘉命諸  
夏發其祥願言顧見女中心以翱翔刊石樹弇  
茲千載遙相望

其五

杲杲熾日羽施施掩飈旂我車旣已寫四馬亦  
孔柔射夫率原隰君子循方舟楊柳橐其鮮鹿  
豕填相求多士自允異燕樂成王猷駕言徂東  
郊出洛朝諸侯

其六

白石粲南山頰鯉麗滄浪單衣裁及骭縕縷遠  
從商夜中起飯牛任車自所將爝火辟列星上  
客爛生光疾歌一不聞何謂伯與王

其七

苑彼中林鳥拚飛不集枯齒牙一爲猾公子良  
見圖矯矯上天龍霧雨旣已敷子推獨耆乾草  
莽空號呼縣書下宮門綿山聊與娛

其八

莊王構層臺乃與雲夢鄰東延洞庭石潯陽激

白雲村言集卷二  
清津趙魏方幸禍况此狼虎秦諫者七十二枕  
藉以前陳時非一耕夫三楚訖無人困知沮溺  
流用卽社稷臣

其九

駕言九臯澤攬彼漸水臺杲且蔽荆岑絕流曲  
池隈婉彼三楚士諫獵紆其才大雨忽盈河疾  
風西北來洪潦起滔天隕雹激以雷商梁正綏  
立僕夫行告哀孤虛無妄設熒惑諒爲災帝德  
睠荒淫欲去此徘徊

其十

文駟陳大庭膳肉宿所修群婢一以盛君子乃  
見咻孰謂彼婦口於中可優游聽蛄遂盈耳鳳  
兮當何求斧柯不在手龜山鬱綢繆翱翔七十  
國交轍奸諸侯狄水衍其波罔濟非無舟駕言  
從吾好還轅息我輟

其十一

忽忽歲已莫大臺役方作太上美遨遊禾黍未  
能穫滯穗滿甫田風雨殫零落相國一沾襟罷



酒不爲樂

其十二

貪吏常苦富廉吏常苦貧不見孫叔敖其子行  
負薪五霸相代興主烈難爲臣令名有遺封餘  
財喜没人寢丘雖言惡千載功無湮

其十三

闔閭爲無道厥欲如蛇豕薦食視上國乃政從  
楚起昭王在草澤群臣不復紀使者哭秦庭七  
日未得理入郢旣已甚丘隴行見薺感茲告急

言誓彼同袍士賢臣亦多術存亡尤獨美

其十四

吳王旣棲越出遊包山湖道逢一丈人邀我洞  
庭隅靈墟發深藏中有神禹書大文秘天地乃  
傳百六初金簡歆浮景玉宇回璇樞科斗不可  
辨鳥跡互盤紆精萃一以洩厭氣直國廬顧見  
二室顛三石方扶䟽

其十五

薛公得馮驩門下知者誰十日居傳舍乃問客

所爲先生惟一劍彈鋏何其悲授室締高國驅  
車出中達主人意已厭同列寧見推田文旣失  
位傾身與持危片言悟齊主復相名益垂奇士  
多侮世藏用匪可窺

其十六

中春陽和起嘉觀臨四方刻石頌功德從臣紀  
攸長上以獻泰成下威六暴強郡縣乃作始經  
緯不踰行薦號立大義昭設咸有章濯俗諒已  
美刑名非恒常鞭撻出頑夫二世尋滅亡

雜興十首

伯牙負高操引曲輒入神從師蹈東海延頸四  
無人洪波盪大壑悲鳥方號群白日坐失色山  
林忽不分精氣一以變此調得其真世俗蔽聞  
見千載迤相因遺世伎始妙絕絃多苦辛自非  
鍾子期古道難具陳

其二

離朱不逆景師曠不逆風所用一以失化爲瞽  
與聾轡策出大御繩墨出巧工顧眄即千里結

仙聖集詩卷八  
構臨層穹束手寧自甘徇人道乃窮

其三

良材出大國群構集明堂構榱相支持榱桷碩  
且長飛棟鬱雲興高軒間重梁衆人稱壯麗輸  
子起彷徨柱小亦已撓朽蠹處中央迨天方晦  
陰室家羅四廂行者苦無庥居者歌慨慷風雨  
一漂搖不知僵路傍

其四

良馬躡路岐善言躡嫌疑稱樂自云早日月寢

已馳黃金不可作美酒多所宜清風響高唱令  
德含妙辭

其五

大元秉經緯天地自生成陰陽遞消息四時相  
虛盈雷雨鼓神氣日月宣華英網緼交二儀周  
流列五行至和液甘露盛德厭攬捨唐虞其法  
象明良熙穆清垂衣御三事大治無常名

其六

翻何漢宮女紅妝鬱熒熒本自良家子十五克

後庭是時得上意寵至身逾輕貴幸霸天下妙  
麗傾人城詔許領椒房嬪御無不驚脣如齧丹  
飴齒如鏘玉聲一當萬乘主常含中道情絕色  
動千載旦夕誰見明美惡縣盛衰弃置視合葬  
所以尹婕妤顧眄失平生

其七

詭時苦難遇直道苦不萃挈餅羸衆口繩墨矯  
群邪所以上古人工拙無常家陸沈金馬門醉  
即攄地歌世久自相玩爲德一何多在群旣纍

生孤貴亦失和首陽與柳下一龍復一蛇同流  
雖所願跡邇心則遐

其八

鴻鵠一以舉四海何悠悠局促人間世豈若遠  
行游明時不重至中懷難久留遇合成佞倖美  
女多所仇英雄旣失據片語解綢繆所以孔仲  
尼舍車即于浮

其九

洞庭大張樂千乘朝崑崙在昔有行幸軒穆一



何尊樓船下河東羽衛覽西垠風起白雲飛隴  
首望中原簫鼓發哀情長馳掩回轅入齧妃女  
脣出接詞客言

其十

名馬不受羈足下有千里黃鵠不受羅羽翼就  
四海貴賤自一身出處無二軌時利適愚夫勢  
衰蹶智士祛長不握臂屢縮不截趾陸沈人間  
世悠悠日復爾

君子行

君子美百行維日服厥衷車奔不易度火滅不改容垢言一生口盥漱難爲工金多徒自穢重名撓直躬幸勿少湏臾無替功乃崇九淵可浮游所患溺愚蒙

古詩後十九首

并引

前有十九首故後言之猶稱古者其文則十九首也其文則十九首而以屬辭辟之制轡筴于垓中姿意於馬使不得旁出而居然有一息千里之勢斯王良造父所爲難爾

其一

行行萬餘里依依夢故鄉見君累長夜携手立  
彷徨寤言心尚爾忽在天一方越鳥東南飛胡  
馬鳴相望眄睠人自好棄捐人自老徘徊亦何  
益努力苦不早思君度餐飯歲月漫浩浩慷慨  
即別離故鄉勿復道

其二

搖搖車馬客依依燕趙女沾沾倚箏立交交夾  
窓語盤盤高結出颼颼中帶舉浮雲忽自歸蕩

子漫無所天寒錦衾薄空牀難獨處

其三

白石何歷歷松栢何離離人生天地間一日不  
可知斗酒無常置良會無常期沉吟厚與薄爲  
樂無乃遲宛洛美遊戲冠帶自相隨宮闕起雲  
中第宅羅四垂王侯負貴氣佳客以盛衰君但  
視車馬攬策振其綏

其四

良會屬今日彈箏倚新聲唱苦令神傷三變不

可盈中曲忽自置躑躅一再行欲因更促枉難  
爲聽者情人生局一世悠悠終何成要路多坎  
坷先秋慘其榮來者率如此焉知千歲名

其五

三五樓上女徙倚當雙扉紅妝妙一世誰不攬  
容輝絃歌入青雲新聲亮所稀千載爲一彈含  
意有餘哀知音難再得且復立徘徊終日不成  
曲零涕沾裳衣三歎令人老游子何時歸

其六

燭燭芙蓉花擢擢采蘭婦懷袖忽已盈馨香誰  
爲有秋草一以萎此物難獨久馳情一水間無  
因携素手

其七

搖光加孟冬北風何慘慄寒至踈衆星蟾兔亦  
早缺四時旣潛移遺迹難獨列不知空牀下蟋  
蟀安從出宛洛多故人厚者如膠漆及其據要  
路負我道非一織女無成章牽牛策不發且復  
守貧賤振翻各有日

其八

浮雲何冉冉亦在南山阿千里遠徘徊游子苦  
無家昔我同門友策馬驅高車兩宮屬賜殊冠  
帶日逶迤致身及盛時結附一何多極宴累長  
夜重闌發絃歌白露忽以零迫此蕙蘭花芳草  
隨飈塵誰能顧女蘿

其九

獨鵠西北逝逸響一何哀念當生別離欲去復  
徘徊不惜寒氣厲但傷羽翼摧我有鴛鴦綺無

衣誰爲裁

其十

眇眇織女星當機理紈素牽牛能幾許常爲投  
杼誤紈素欲遺誰終日西北顧負軛復何時軒  
車歲云暮攬衣即河漢躑躅不得度

其十一

高樓出西北下有故鄉道浮雲蔽天起回飈響  
秋草四時更相至人生自著老傷彼遊子顏戚  
戚難獨好攜手不須更棄捐一何早努力以爲



樂泣涕復盈抱

其十二

東城屬浮雲阿閣百餘尺歲暮多悲風游子衣  
裳薄四野何蕭條所遇但遺跡來者自爲今去  
者自爲昔盛年奄已衰含意將安適燕趙出名  
倡紅顏照宛洛結束隨時變絃歌日相索未彈  
理懷袖若在遠行客弄指一何妙列柱一何迫  
馳情視雙燕飛入王侯宅

其十三

磊磊丘與墳鬱鬱郭北地白日松柏陰悲風四面至誰能黃泉下未含未伸意悠悠即長夜千載一以棄漫漫待明發迢迢正遙寐身世非膠漆豈得常相寄此物無賢愚萬歲更相致神仙不可知服食苦中置美酒與佳人攜手行遊戲

其十四

郭北一極望徘徊安所如新墳歷歷出古墓附里閭薪者躑躅歌棄妾迴其車白楊日夜踈蕭蕭悲有餘三歲去故鄉一字無素書

其十五

處世苦無見孤生非所憂  
高言唱同心千載一  
相求窮賤解膠漆棄置衰  
交游昔我同門友上  
書哀王侯明月皎夜光  
躑躅不得投

其十六

迢迢月旣望白露被庭中  
越女前理音燕服羅  
清宮交游自遠方文彩復  
無雙駕言出廣陵將  
以適曲江聊慄此何氣攬  
觀不可窮帷車蔽日  
下萬馬悲回風水力率已  
至神物難爲容秉意

屬南山浩蕩惟所從上客變其度陳唱誰與同  
極命以成章娛樂良未終

其十七

孟冬風已厲攬衣有餘歎獨宿知夜長遠客知  
天寒河漢直雙闕皎若素與紈黃鵠從西南孤  
飛正漫漫一鳴緩中帶再鳴霜玉顏遊子不可  
聽令君中道還所以生別離慷慨亮爲難

其十八

客從洛浦至遺我合歡衾中有長相思緣以結

同心芙蓉發文彩鴛鴦鴈哀吟遊子正無衣天  
氣復已陰故人此屬意徘徊獨至今

其十九

皎皎羅帷月攬之有餘輝寤言守長夜依依未  
能歸故鄉無不可道路亦何爲客行各所懷誰  
知我心悲出門一以望浩蕩霜裳衣

酬皇甫虞部

青陽一何麗冉冉西南馳言念庭中樹率已萎  
華滋昔我同心友懽宴及良時携手理清曲各

謂無人知天衢多高足冠蓋自相隨所願不與  
俱朝親夕生疑含意戀明世皓首爲君期諒茲  
久識察紅顏坐盛衰

寄許殿卿

西山匿冬日北風悽以繁念茲歲方晏徘徊白  
雲垣俛首事尺牘儋石聊自存悠悠塵中心夙  
昔非所論感彼碩人情獨歌矢弗諼庶此涉時  
艱遂用安丘園路傍磬折子高足策華軒咄喏  
金蘭客來當蹈斯言

賦得何仲默

仲默自天秀弱齡負遐矚十六遊京邑藝苑策  
高足揮毫坐萃觀懷人理清曲歸來放情志日  
晏從所欲結好玩遺芳明德以相勗古道諒寡  
諧遂令傷局促

五子詩五首

王元美

元美何翩翩夙昔秉靈異京洛多冠蓋操觚各  
自媚所遇無此物識曲聽其偽大雅久沈邈特

清作者至俛仰知音稀含茲未伸意但坐奮逸  
響側身向天地虛名喜誤人依依千載事浮雲  
相攬持白日一高視四顧命儔匹中懷誰可致  
凌厲子長氣文章此未墜

吳明卿

吳生蕩滌士明德復何早高舉凌風翮青雲漫  
浩浩良時冠帶會斗酒弄辭藻一彈中清商下  
里難爲好知音率已稀隱几存吾道衆言紛盈  
庭膠漆各自保掩耳走淆亂褰裳度潢潦罵坐



豈盡狂流俗令人老陸沈金馬門懷袖諫書草  
白日有弃捐遊子悲不造

宗子相

婉婉維楊士早歲絕人識結撰有至思先民乃  
遺則時俗徒嗷嗷此物知者得鬱鬱獨徃心百  
折江河力披覩他自媚我意安所測念茲携手  
驩榮名與令德浩蕩陰陽移吾道相終極語及  
千載事愀愀動顏色中懷誰可喻文章亦經國  
一爲麟鳳言三歎加餐食

徐子與

徐生一何俊本自青雲姿十年住天目含意多  
素辭旣聞風雅音三歎文在茲眎昧生榮名徒  
倚即前綏念爲理清曲高言倡者誰躑躅流俗  
間携手不相疑時髦滿要路各謂中心私世人  
豈同願吾道欲委蛇黃金買大藥朱顏庶可持  
物理率如此和光難獨窺

梁公實

梁生起南海負氣何倜儻北交中原士徘徊得

吾黨高名豈宿著一朝奮鴻響時俗旣淆濁振  
衣念獨往禮法難爲工局促向天壤王喬可等  
期服食理非枉引領還羅浮願言稅塵鞅俯視  
大河流逶迤浮雲上盛衰隨物化世情自鹵莽  
吾意當告誰黃金妬偃仰

二子詩二首

廬次梗

廬栴起河朔本自千金子蕩滌諸生間銷骨於  
積毀世無臨邛令焉得心尚爾深文類繆恭畢

畧中狙喜乃繫黎陽獄十年攻一技旣出浮丘  
賦始知有株累三嘆不同時帝曰付諸理寥寥  
相如後誰能識察此一

謝茂秦

謝榛吾黨彥。輒軻京華陌。黃金自不留。朱顏亦  
已擲。韋布豈盡愚。咄嗟名士籍。握手金閨人。中  
情多所適。冠蓋羅長衢。染翰日相索。遂令清廟  
音。乃在褐衣客。一出遊燕篇。流俗忽復易。還顧  
望鹿門。矯矯青雲翮。

酬元美二首

妾本秦宮女少小揚蛾眉  
早辱君王寵朱顏驕  
自持卷衣皆羅紈明珠縱橫垂  
頭上翠琅玕爵  
釵珊瑚枝盛年處深殿容華天下知  
一朝在里  
巷遂爲生別離此身託古歡  
南山猶可移東隣  
蕩子婦泥沙委路岐中心指秋日同穴乃所期

其二

有鳥名黃鵠乃在琪樹柯  
下來太液飲唼喋荷  
與荷周游視中土少年多羅家  
金衣菊爲裳不

受矰繳加一舉絕四海離哉天可摩毛羽未摧  
頽鼎俎柰爾何

再荅元美二首

盈盈倚蘭花深谷何逶迤秋風凋竒樹隕擇以  
歲蕤含英即蔓草不復揚華滋豈無王者香結  
根非其宜孤生感霜雪采折中心知幸君置懷  
袖慰此長相思亭亭西山柏自茂凌寒姿下流  
難久居壯士多所悲

其二

采苓首陽巔青蠅止于棘結髮奉歡宴柏舟矢  
靡慙上堂理琴瑟下堂視蚕織昵若形與影在  
遠復相憶豈不防未然萋斐成罔極愛深生百  
憂棄捐衢路側賤妾抱區區中道蒙察識琴瑟  
聽其真蚕織五文色非君膠漆心群小志亦得

郡齋同元美賦

遊子苦行役驅車自溟渤依依平生親斗酒日  
云沒秋風亦已厲蕭條衆芳歇何以贈君子徙  
倚攬明月燕婉當及時霜雪變華髮高足蔽天

衢浮雲望雙闕令德一見疑積毀能銷骨中懷  
不復喻邈若胡與越綢繆有故人知音無倉卒  
常恐遠別離含意向明發

送元美二首

有鳳銜靈文栖栖北海湄臨流理毛羽五采以  
自竒飛如摘群星擊若朝霞披翱翔千仞岡亦  
集梧桐枝一鳴叶清廟再鳴中咸池淒風振大  
野青雲顧我悲世無伶倫耳誰爲度參差回首  
顧丹穴摧藏不可持將止帝東園恐令鷦鷯知



阿閤在萬里哀號乃見疑  
啁啾榆枋間燕雀相  
追隨清光蔽白日何當復來儀

其二

夙昔二三子慷慨揚奇聲  
文章凌先秦詞賦無  
西京零落如流星各懷飢渴情  
念爾策高足北  
海日以清顧眄當中原冠蓋徒縱橫  
明發詠蓼  
莪依依戀所生悲風薊門來涕泣霑我纓  
解帶  
謝時人驅車薄姑城千里見大河躑躅浮雲征  
罷酒不能別蕭蕭駟馬鳴骨肉非一身意氣乃

合并景光老自愛率已識榮名

答寄俞仲蔚二首

太乙覲漢德名駒生渥洼赤汗霑青雲長嘶振  
流沙飢齧玉山芻渴則飲其涯翹尾以躑躅駒  
駘相經過不顧游閭闔况乃服鹽車世豈無伯  
樂垂耳柰我何天子發素書使者出蹉跎駢駢  
十二閑駑馬常苦多雖有千里姿羈絆非所加

其二

鬱鬱龍門山下臨千仞谿孤桐生其間幹與浮

雲齊湍水擊其隈迴波蕩其涯野火燔其東飛  
雪塗其西莫則止黃鵠朝則啼鷄雞悲風從天  
來清商以淒淒伯牙不能去傾耳中自諧匠石  
空扼腕運斤路何階琴瑟和神人無乃非其懷  
結根旣已異雨露難獨垂願言俯大壑往就長  
離棲

送李明府入奏

西北夏雲列飛蓋亦相望供帳被城隅父老皆  
扶將天子秉百度作新大朝堂榱桷曼且碩掄

才自南鄉山河俯壯麗肅穆垂衣裳是時薰風  
至五月開未央旣奏解慍曲或和斯干章聖顏  
慰飢渴帝心簡四方豕宰上績書召見伏明光  
用等課高第視事稱維良小臣奉威靈不得施  
其長誰謂一邑輕治行乃無疆願言備侍從珥  
筆述陶唐策勲諒有期遺愛匪可忘

許殿卿郭子坤見枉林園二首

明時再嬰疾隳官此悠悠求言命沮溺二子乃  
從游田家何所有樽酒結綢繆散髮坐園中輓

轡牽寒流擊我青門瓜聊且充庶羞雨氣蕩暄  
濁披襟御南樓開軒納山色餘映一以收雲霞  
羅四隅煙火蔽林丘伏陰秀禾黍餉婦媚原疇  
西望華陽宮若見清河舟登臨信亦美曠然銷  
人愁願君愛景光多暇還相求

其二

佳客即良夜此會安可期結髮爲兄弟晤言今  
在茲層臺挺浮雲河漢宛其垂積陰濯列宿三  
五正參差前山電影亂雨勢坐已移皎月出平

陵徘徊當照誰清光澄暑氣颯若撤長帷潦水  
明樹間流飈澹華榭零露響空林聽跼以鳴悲  
世路良獨難斗酒多所宜達人忌榮名千載同  
一時

杪秋同右史南山眺望

南山有幽意駕言此徘徊湖波蕩寒城四座清  
光開金天澄素景秋氣何悲哉繁陰逝白日浮  
雲間往來落木颯中林流焱激巖隈朝昏上煙  
火原隰被樓臺故鄉無滯淫世路多塵埃念我

平生歡離思壯難裁

九日集殷卿池亭分賦二首

幽命詞客冠蓋至如縻白雲澹蕭晨黃花媚  
新醞麗翰湖山清開樽魚鳥近零露偃池荷淒  
風攜籬藿徑回片橋出林暝寒城隱臨流濯長  
纓飄然祛塵坻

其二

寒空崔嶺秀霽野湖水濶墟落散城隅池亭入  
幽豁雲陰出水鮮石色含霜活白鳥下煙際歸

鴻起天末返照歟長林群流亂相聒紫蟹壯可  
持濁醪美堪掇秋高吹臺興老劇文園渴佳節  
有獨醒吾生豈云達

集張使君別業

清河迅寒流金輿杳空翠秋氣下高原蒼然西  
北至返照散踈林蕭條煙景異零落復佳期茅  
茨况幽致握手平生人笑談出往事舊游數子  
盡風流吾黨備千金抵白髮一醉滿君意

秋夜白雪樓同許右史襲茂才分韻二首



林煙旣曳綃湖霞一披絳雞犬靜荒村蓬蒿翳  
深巷燒微見月出鐘清識霜降各稱浮白樂未  
覺呼盧戇更賦梁園雪如流華渚虹預愁還城  
邑車馬紛相撞

其二

返照入平陵白雲出西隴天清雁影澹山空嵐  
氣重三徑何蕭條高人乃接踵諸生稷下秀詞  
客梁園寵松菊有佳色琴樽亦慇懃但醉不須  
眠寒燈坐相擁

送許史得弟字

秋風一蕭條白雲自相綴翩翩爾曳裾慘慘吾  
分袂鼓楫大河流揚帆下衡衛平臺壯登眺鄒  
枚儼兄弟旣出兔園篇頗蕪子虛製詞賦有知  
遇王門即恩惠

集開元寺

流陰拂層岑返照翳深谷古寺入蕭條迴巖抱  
幽獨梵影淨香臺鐘聲殷石屋絕壁棲禪誦縣  
厓下樵牧秋花雨還瘦老樹霜逾禿寒泉可瑩

心白雲况極目登臨客自佳  
搖落時何速  
蔬色  
蕘腥羶苔光清簡牘新詩發  
神秀舊游耿初服  
歸來杖屨便老去煙霞伏高城  
林麓言旋轉多興後期此同宿

白雪樓詩集卷三

五言古詩

從軍詩

并引

魏三祖及子建諸子間各臨戎義有紀列  
當逸失不獨王仲宣五篇又公燕一章應阮  
侵不就次與仲宣從軍詩過意諷婉均之未  
盡所長今各代作二首

代文帝

長驅下廣陵觀兵東南疆方舟被大海萬騎紛

縱橫旌旗隨波靡組練遠茫茫中流震金鼓士  
馬何激揚鎧甲生悲風千里一鏘鏘白羽所漂  
搖浮雲自低昂撫劍登高城我軍正相望零雨  
有遺篇咏言難可忘

### 代明帝

太常摩回颺旗幟何翩翩屯吹彌故壘列舟竟  
長川登櫓望四野蕭條無人煙高墉走狐兔荆  
棘動參天撫劍下中流甲士羅東西賦詩寫其  
懷隨波以潺湲從軍在萬里惆悵私自憐

代曹子建

丈夫志萬里慷慨事四方  
我后振威靈六軍乃  
激揚分旗建東嶽耀武臨江湘  
鳴鏑控流飈利  
劍捷秋霜長驅下淮泗人馬自生光  
戈矛何參  
差方舟正縱橫何言爲國讐  
一舉披舊疆解徒  
旆言入歌舞旋許昌離宮大饗士  
勞賜以次行  
君子念在御賦詩垂翠芳

代王仲宣

方舟何翩翩素波亦蕭蕭  
蒹葭澹餘映長檣激

流飈撫劍登高防人馬且逍遙空城何所有殺  
氣蔽旌旄日夕見煙火四野飛蓬蒿邊聲起大  
江誰知我心勞從軍殊復樂非薄愧鉞刀

代陳孔璋

浮雲肅四野流飈殷悲音邊地一何苦慷慨難  
爲心飲馬長城下水寒窟且深白骨撐路出殺  
氣駕重陰將建大舉功干戈日相尋騁哉書檄  
馳縱橫正如林身在記室中慙慙匪自今男兒  
念鍾鼎誰能常滯淫

代徐偉長

自我出從軍涉旬東南行文學託後乘顧瞻亦  
已榮中流萬艘集陶陶層波生淒風旗幟繁秋  
日戈甲精沈陰結戰氣唯聞金鼓聲壯士何飛  
揚各願一先鳴志已馳九關豈但懷不庭雖君  
在只尺搔首未遑寧

代劉公幹

我后赫斯怒整駕東南征六軍如飛集列植龍  
陂城皚皚霜氣至肅肅戈甲鳴長飈轉沙礫仰



視白日冥流波一何勁金鼓悲且清連爲下青  
雲毛血灑陽垆發機入微妙觀者無不驚壯士  
以慷慨各奮先登情釋此薦嘉客濡翰叙平生  
篇章信綺麗新詩雅以精小臣在綬幕起坐懷  
同聲戎事諒非難但恐沈痼嬰

代應德璉

鬱鬱西北雲千里驅重陰臨江大耀士方舟載  
浮沉連波響風雨長絲紛悲吟分曹命超距逸  
氣不可禁君子在行伍常懷飢渴心非不愧細

微良遇日以深故山何時旋徘徊巾自任

代阮元瑜

高城苦多陰秋日殊復悲邊聲薄暮起但見浮  
雲飛霜氣勁且繁河漢寒無暉三星何躑躅皎  
月正徘徊流飈西北至征馬鳴相依自知從軍  
樂誰能常不歸

公燕詩

魏文帝

置酒高臺觀逍遙芙蓉池兄弟夜行游貴客鬱

白雲樓詩集卷三  
參差明月照長筵羅縵何霏霏翩彼衆君子展  
詩奏新辭絃歌入微妙慷慨使心悲流塵蕩清  
響綺麗有餘姿吐握苦不悉人生安可爲在昔  
無樂方彼此同一時

明帝

三五明月滿四七靈宿繁清夜美行游置酒西  
苑園萃池濫輕波芙蓉一何鮮飛蓋拂流景隨  
風自潺湲主人延貴客竟席列豪賢絃歌徹中  
堂羽爵騰我前微音喟有和甘醪發芳顏樂哉

殊復樂君豈不俱然

子建

流飈起飛棟群星集櫺軒月出芙蓉池清光滿  
西園侍者夜行觴綺縞一何繁玉顏可攬持顧  
眄屬所歡華鐙正徘徊步障隨風還絃歌蕩層  
臺激響拂潺湲公子多愛客縱橫各成篇主人  
自和氏披褐將誰愆絕纓紛陸離墮釵復闌干  
取樂此一時嘉會良獨難

仲宣

浮雲撤重陰流焱四座來西臨柏陽山南望銅  
雀臺回首出中原曠然千里開公子太置酒絃  
管間行柸萃銓吐清光飛蓋自徘徊古人一含  
情于今安在哉亂離常苦多歡極令我哀

孔璋

羈客心無娛閒居日悠悠駕言侍高會公子招  
我遊凱風飄拂鬱素暉蕩清流中庭煥綺樹芳  
蕤自沉浮登臺遠顧望高下見原疇肅肅山谷  
悲黯黯陰氣收篇章時間作羽觴不及投逍遙

何以立功名爲相求

偉長

高臺鬱嵯峨其下臨清池黃鵠比翼遊涇魚戲  
連漪微風起水裔朱華紛陸離綺羅旣生色笑  
歌不自治旨酒但相屬羽觴隨波移人生寄一  
世歲月忽如馳豈忘誦君恩賤軀未可知

公幹

月出西掖垣雙闕鬱蒼蒼白石爛素波蘋藻粲  
金塘方舟轉清流飛蓋紛翱翔輕飈洒前庭明

銓皦中堂淥酒溢尊罍嘉穀充圓方公子多妙  
製藻思何縱橫高談自寵珍濡翰安能詳嬰疾  
日沈痼簿領非所長願言貽令德俛俛不可忘

德璉

群士諧佳會置酒君子堂清言解飢渴四座生  
芬芳雲雨濯高翼沙石明夜光連篇命音響好  
合興文章三臺開藝苑愛客擅詞場伸眉就存  
慰千載以爲常

元瑜

知己難再遇攬衣及良辰天衢飛高翼清流濯  
纖鱗搖落易爲感孰能愛此身恩義不潛暢舉  
座皆異人公子善養士中外常所親佳會此高  
堂羽觴何紛員翰墨風雨集興文若浮雲翩翩  
致足樂願言守明真

感懷八首

寥寥高秋氣涼風激中庭明星一何的皓月復  
泠泠清夜使心悲幽人起屏營羅帷徐動搖卅  
銓發寒榮短歌易忼慷伏枕通雞鳴伴侶稍稍



單獨立非其情

其二

四海一流覽爲樂遽何央經傳有因依大雅未  
淪亡知名自前代騁翰各專場徽音可通靈新  
詩協宮商綺麗漫星陳江河鬱縱橫豈不多苦  
辛世士竟茫茫中原二三子春秋足翱翔離別  
致倉卒千載不相當

其三

明珠出大海豫章擢青雲宗臣開國工王佐難

其群公朝日舉士愚者耳不聞披褐玩明時  
翰流萃分適中自諧知己俟其真磬折難爲  
榮彈冠各有人誰令君獨往踟躕失要津

其四

明堂饗元祚稱歲朝京師侵辰宴鸞臺日夕宿  
蘭池翩翩佳公子三五相追隨十千平樂酒羽  
爵何參差長歌激清風顧眄生光輝秉我徑寸  
翰興文一如飛旁人徒嗷嗷匹侶當自知離別  
難預圖樂往自成悲仰觀素雪流俯見朱華披

棄置安足陳亡沒無還期百年譬影響倏忽誰能持

其五

在我遊帝京馮寵私自竒當年值數子無復  
新相知中原一顧眄凌厲有餘姿用身常苦拙  
此志安得施浮沉託大道四海一棲遲時俗溺  
鄙議長往不可追願言反初服白日且逶迤酒  
中念故人千載爲等期

其六

鴻鵠不嘯侶驚鳥難爲儔雙美無常玩江漢故  
分流堅芳喻蘭石千歲一綢繆佳言盈耳哉良  
時安可留在昔跨中原數子從我遊

其七

孤竹苦難立耿介傷其躬世路有姿態悠悠安  
所終美服光照人言笑一何工抱鼓若籟篴聲  
折如轉蓬輕薄不可視妖蠱誰能窮車馬從狹  
邪棘生九衢中

其八

浮雲翳高城回颿生戰場金鼓使人悲旗幟亦  
飛揚千載一如此丘隴迤相望奈何轉蓬士翮  
翮常道傍

錄別三首

耿耿遠行客綿綿思故鄉悲風繞車鳴浮雲立  
馬傍邊城苦多陰秋氣激繁霜白日匿何駛四  
野一茫茫落木委空庭游響拂閒房霏霏羅帷  
影明月在我牀起視河漢流寥寥夜未央出亦  
以徘徊入亦以彷徨

其二

大江多悲風，秋日澄清陰。  
浮雲無本根，天路難重尋。  
故人一失所，結交良苦心。  
游子易慷慨，撫劍吐哀吟。  
白髮行蕭蕭，繁霜悴我衿。  
登城望四野，明月照北林。  
悠悠委他鄉，中懷安可任。

其三

去日苦太易，游子無常家。  
別離在俯仰，素雪以朱華。  
驅車就頽景，明發泛黃河。  
浮雲媵余征，流颿激其波。  
顧盼當中原，慷慨爲悲歌。  
千里一蕭

條故鄉復如何

雜興十一首

鴻鵠摩蒼天萬里一翱翔迴飈生羽翼浮雲爲  
低昂畢逋城上烏黃口自成行俛啄仰相嚇徘徊  
腐鼠傍

其二

大魚鼓長鬣捷若舉帆幢夜驅蒼梧風凌晨浮  
九江怒擊胥山濤洪波爲洶洶本圖運南溟中  
更不相容何言一失水湖海難再逢寧如涸轍

鮒斗水得所鍾

其三

江南有佳人桃李翦朱顏  
宕子行從軍閒房重  
其關明月一徘徊形影自  
翩翩秋氣響羅帷蕭  
蕭難獨眠

其四

鳳樓十圍幹龍翔九回流  
圓景朝列宿五嶽尊  
陵丘聖人膺大命多士自  
相求稷契功不刊唐  
虞德無儔神明盛驅使衣  
裳美優游詩書監二



代孔氏乃宗周在昔紂天經群后有綢繆艱難  
戴王室千載成咸休

其五

長離自鳳雛元馬乃龍子文采成九苞骨法本  
千里箕穎出高人巖穴有知己抗迹唐虞廷清  
風振薄鄙

其六

南山有奇鳥朝陽曜其文下來蘭池飲羅網正  
紛員雖復就長纓徘徊懷不群枳棘無安步哀

鳴激青雲

其七

翩翩西北風蕭蕭枯桑林登高使人望秋氣悲  
我心叢臺蔓寒草易水清且深當時燕趙士忼  
慨有遺音

其八

駕出西北門東望元英宮高臺造浮雲碣石來  
悲風客卿旣裂地戰士亦論功稱係遷大呂昭  
王氣何雄汶篁一不植千里生飛蓬

其九

逍遙臨蓬池言陟梁王臺還顧望大河洪波渺  
悠哉飛雪蔽中原北風千里來馳驅名利途無  
駿不驚駘精衛自微鳥東海生塵埃

其十

古今一旦暮俯仰成興衰不見桑榆雲千里相  
蔽虧黃金苦易盡紅顏安可爲如何膏粱士拂  
拭使人悲

其十一

萬事無不有何言能自持巢由垂世度高行衆  
人疑俯仰在當路得喪未可期湯火煎太和傾  
側使神危終身繫羅網失勢還相欺念我平生  
歡臨觴命妖姬

效應璩百一詩

殺函命關谷涇渭達黃河終南旣面列沃野開  
其阿帝王信佳麗天府鬱嵯峨銅雀鳴雲中員  
闕夾丹霞二秦盛西氣小戎乃遺歌揚馬翼炎  
光流風激頽波使臣典文字執憲臨群邪春秋

大校士與世陳四科祗役在末位興言念皇家  
筐篋有璽書翩翩爲國華

寄題離資園二首

芙蓉媚昭質初服一何好繁霜日夜零悲風起  
中道鷓鴣旣已鳴所遇無芳草馳驚終年歲紅  
顏足用老美人怨遲暮廻車自不早蕪穢沫榮  
名同心以相保

其二

蘭生有幽性零露峻其姿含芳在空谷清風來

御之孤根亦何傷衆草故難爲萎絕同糞壤中  
情君豈知願言置懷袖延佇及良時荃茅一以  
化柰此藁與施

荅張秀才問疾

青陽蕩積晦素雪亦云熙仲月陶家樹閒庭暖  
流滋微風中夜興清光動遙帷殘燈出四壁鐘  
鼓一何凝閉關抵百役內熱耿于帷養病終年  
歲人生能幾時服散代晨餐七著厭相持哲夫  
秉大觀一往不復疑所愧乏明德盈縮無常期

白雲詩集卷之二  
贈元美兄弟

唯帝饗金石拊髀封疆臣二子越枕戈避仇棲  
海濱及時列寃狀含意遂俱申乃望漁陽戍北  
風飄沙塵若見姑蔑旗陰雨施威神吳門有丘  
隴舊與要離隣陳尸赫中寢國命委荆榛楚王  
黜費氏棠君紀人倫何如上公服寵光祿所親  
願無廢前勞報恩致其身

虎跑寺泉

大士始結構鑿空偏比丘二虎自南嶽掉尾從

師游神威攫地脉佛力驅陽侯枯火迸石罅松  
根解綢繆勢寧決璠去揮錫怒不休至今噴巖  
壑水猶咆哮流酌言生壯心一嘯風颼颼海眼  
在其下潮汐故可求不然胡僧咒爭使波瀾浮  
穿壁吐長澗夾寺瀦龍湫疑作故山雨片雲注  
峒嶺歸應出東林無爲惠遠留

子與至武林

良時能自至嘉會無常期長飈吹浮雲奄忽東  
南馳依依曳景光泠泠發餘悲非君命儔匹游



子安可為大江折其流武林愴以摧念今在往  
路執手野徘徊何必同一身中懷貴不疑彈冠  
有逸響駕言即前綏

古意寄德甫三首

悠悠我行役往路殊未央春華不須臾忽踐  
嚴霜安知疑與喻風波起褰裳浮雲邈無所游  
子依故鄉長當遠離別何必復彷徨鴛鴦自踟  
躕黃鵠已翱翔

其二

嘉會在俛仰良時不可留悲風自遠至大江以  
悠悠中懷有白璧千載為一投飛龍雙欲垂胡  
馬群相求徘徊視四海含意各未酬念此平生  
親從彼浮雲遊

其三

明月照我牀清風感重闌遺書發懷袖彷彿見  
客輝古歡匪自今游子當何依千秋一高唱豈  
獨知音稀莫言苦行役極宴不如歸努力兩黃  
鵠為爾故鄉飛

贈德甫

豫章生庭中結根西山隈江流一蕩滴悲風千里來  
絳蘿謝依託冰雪抱崔嵬非不曼且碩時無栢梁災  
截為玉女瑟絕勝龍門材展我清商曲彈作臨高臺  
洪厓領順坐五鳳鬱徘徊

灌甫東陂宴

王孫古城隅東陂託偃仰回薄始翦雜高臺忽峻敞  
風波一以交淪漪恣遐放列雉翳中流返照幕魚網  
曲磴盤層陰洞房殷清響竝逸金谷

韻兼詣濮陽賞恢台戒隆曦披髮命吾黨美酒  
滌煩囂泠然發神爽至今河朔人垂聲得侔儻  
真置病游梁為心任獨往

建安體三首

轉蓬遇回風千里一遨游良時不自愛汎汎亦  
何求西來旣迂怪周孔以墳丘患無紛葩名年  
往非所憂烈士多壯心對酒苦難酬枕石太華  
顛俯漱江海流

其二

北風正徘徊繁霜以霏霏經過至朔方惆悵我  
武威白骨何籍籍鎧甲貫瘡痍猛獸蹲高岡狐  
兔失故蹊伐薪缺斧斨飲水膠馬蹄遠行多苦  
寒中路渴與飢是時一介志悠悠誰當知

其三

河漢縣清光三五正參差西北起浮雲霏霏風  
入帷白髮一何早隱約當待誰快獨飲美酒登  
臺臨華池趙女蕩奇舞秦箏繁且悲憂來亦有  
方安得常相隨

永志園

吳門有奇士二弟復好修鞍馬照紅顏往來長  
者游帶劍何良綺垂纓亦綢繆豈不攬豪賢我  
志非所求駕言旋北郭灌園依一丘白雲蕩巨  
壑餘映翻寒流置酒臨高臺邈焉懷其儔鴻鵠  
旣云舉千里常悠悠清風動帷幕皎月光沈浮  
讀書見古人鳴琴調逾幽無取廣川觀昔在漢  
陰叟天子御飛軒龍蠖時乃瘳回車望中原  
壯心未可收

白雪樓詩集卷三